

Heinaniitmine vikatiga või trimmeriga?

Uma Leht nr 158, hainakuu 1. päiv 2008 aastagal

Vikat vai trimmer?

24. piimäkuu pääväl peeti Haanimaal Plaani mäe otsan vikatiga hainaniitmise võistlust. Platsi oll' tulnu pall'o rahvast, kedä köva tuul ja vihm es sekä. Uurömi võistlōjidõ käest, kumb om näide meekest parömb, vikat vai trimmer? Ja kummaga sis koton niidetäs? Tull' välli, et vanamuudsa as'a nigu vikat omma iks täämbädsel pääväl kah hää.



Pargi Veiko (24)

Vahtsõliinast: Koton niidä rohkömb traktori ja niidümassinaga, vikatit nii tihtsäle kätte ei võta.

Ku tahat trenni tetä, sis tulõ vikatiga niitää, ku hain vaia maaha saia, sis niidä iks trimmeriga.



Luku Eero (18) Haanist:

Koton niidä vikatiga. Esä niit kõik aig vikatiga, vahepää'l niidä esi kah. Trimmerit ja sändsit asju ei pruugi.

Kuiva ilmaga om trimmer parömb, likõ ilmaga jäl vikat. Vanna kuionut haina om halv vikatiga niitää.



Mee Ats (43)

Mustahambalt: Koton niidä tuuga, mis ette juhtus, a vikat om iks kõgõ kõvömb.

Hää, et säändsit võistluisi tetäs, hää jahutaja ilm oll' kah, kuumaga olös tan är koolnu. Kuiva haina om halv niitää kah.



Rauba Sirje (56)

Võrolt: Koton ümbre kürvidsäpuhma niidä seo vikatiga, a muidu omma meil murutraktori ja trimmeri ja sändse as'a kah olöman. Sis ku mu imä elli, sis sai kõik hain lehmile vikatiga tettüs, sis es olõ meil niitmismassinit. No vikat om iks huvitav.



Kunus Andres (51)

Meremäelt: Koton niidä iks vikahtiga nii pall'o ku vaia om, vahepää'l tarvida trimmerit kah.

Vikaht öks om parömb ku ütskõik määne muu riist.



Udumäe Valev (56)

Plaanilt: Koton om trimmer ja muroniitjä, kannolõ niidä vikahtiga. Egäl as'al omma uma hää ja via. Kodohoovi saat muroniitjäga kipõlt är niitää. Vikahtiga jäl võtat haina parömbahe. Mar'apuhma ja uibidõ ümbre niidä kõik vikahtiga. Trimmeriga, näet, lasõt muido puhma katski.

Küsse Peedosaarõ Kaisa